

KEJOHANAN PENCAK SILAT NASIONAL KE-40



SEMARAK SUASANA: DPM Teo (berbaju batik hijau) dan Pemangku Menteri Pendidikan, Encik Ng Chee Meng (di kanan beliau), turut sama menyeronokkan majlis pembukaan Kejuaraan Pencak Silat yang berlangsung malam kelmarin.

AKSI CEMERLANG: Muhd Syamil Izuan Iwan Suhaimi dari perguruan Sendeng Belalang (kiri) beraksi dengan Muhd Raihan Mohd Yatim Marican dari Al-Haq di pusingan awal Kelas A Senior Lelaki kelmarin. Syamil menang 5-0.

Peluang bagi bakat muda bukti potensi

►Laporan & foto
TAUFIK A. KADER
taufik@sph.com.sg

EDISI ke-40 Kejuaraan Pencak Silat Nasional dirasmikan oleh tetamu terhormat, Timbalan Perdana Menteri, Encik Teo Chee Hean, di Dewan Sukan Pasir Ris malam kelmarin.

Sebanyak 15 daripada 32 perguruan silat setempat in telah pun mengesahkan penyertaan mereka di pertandingan kali ini yang

secara tradisi menjadi medan bagi bakat-bakat muda menunjukkan potensi untuk diserapkan ke skuad negara di samping menjadi wadah bagi mencerminkan perpaduan masyarakat silat setempat.

Beberapa jaguh negara seperti Shakir (Juanda), Sheik Farhan (Sheik Alau'ddin) dan Alfian (Juma'en) yang bergelar bergelar juara dunia atau juara serantau mula menonjolkan bakat mereka di kejuaraan ini.

Aksi tanding diteruskan Sabtu hadapan, sebelum mencapai kemuncaknya pada Ahad, 6 Mac.